



Broj: 02-04.1- 399 /17
Brčko, 29. 8. 2018. godine

Na osnovu člana 12. Zakona o Direkciji za finansije Brčko distrikta Bosne i Hercegovine („Službeni glasnik Brčko distrikta BiH“, broj 19/07), a u skladu s članom 99. stav (1) tačka g) Zakona o fiskalnim sistemima („Službeni glasnik Brčko distrikta BiH“, broj 22/16), direktor Direkcije za finansije, uz prethodno pribavljeno Mišljenje Komisije za fiskalizaciju broj: 02-04.1-594/18 od 14. 8. 2018. godine, a uz Saglasnost Vlade Brčko distrikta BiH broj: 02-000246/18 od 29. 8. 2018. godine, d o n o s i

PRAVILNIK O VRSTAMA I OBLICIMA PLOMBI FISKALNOG SISTEMA

Član 1. (Predmet)

Ovim pravilnikom definiše se oblik i vrsta plombi iz člana 9. Zakona o fiskalnim sistemima (u daljnjem tekstu: Zakon).

Član 2. (Izgled plombi)

Izgled plombi iz člana 1. ovog pravilnika dat je u aneksu I i II, koji su sastavni dio pravilnika.

Član 3. (Proizvođačka plomba)

- (1) Proizvođačku plombu definiše ovlašteni proizvođač, odnosno ovlašteni zastupnik.
- (2) Prilikom podnošenja zahtjeva za dodjelu IBFU, ovlašteni proizvođač, odnosno ovlašteni zastupnik dužan je Direkciji za finansije Brčko distrikta Bosne i Hercegovine, Poreznoj upravi (u daljnjem tekstu: Porezna uprava) dostaviti izgled proizvođačke plombe.

Član 4. (Servisna plomba)

- (1) Servisna plomba ima izgled okruglog pečata prečnika od 7 mm do 10 mm i služi kao identifikacija ovlaštenog servisa i ovlaštenog servisera.
- (2) Servisna plomba ima sljedeće elemente:
 - a) troslovnu abecednu oznaku ovlaštenog proizvođača, odnosno zastupnika, koji mu je dodijelila Porezna uprava, poslije potpisanog ugovora;

- b) dvoslovnu abecednu ili azbučnu oznaku koju ovlaštenu proizvođač, odnosno zastupnik dodjeljuje ovlaštenom servisu;
- c) trocifrenu oznaku koju ovlaštenu proizvođač, odnosno zastupnik dodjeljuje ovlaštenom serviseru.

Član 5.
(Fiskalna plomba)

- (1) Fiskalna plomba ima izgled pravougaone štampane naljepnice od specijalnog samouništavajućeg PVC LMK materijala s hologramskom zaštitom dimenzija 55 mm x 12 mm i sadrži sljedeće elemente:
 - a) zaštitni hologram;
 - b) natpis „Bosna i Hercegovina; Brčko distrikt Bosne i Hercegovine; Direkcija za finansije“;
 - c) osmocifreni serijski broj fiskalne plombe (sedmocifreni sekvencijalni broj u rasponu od 0000001 do 99999999 + kontrolni broj po modulu 11. NNNNNNNK);
 - d) bar kod.

Član 6.
(Programska plomba)

Programska plomba sprječava razdvajanje memorijskog modula programske memorije od matične ploče fiskalnog uređaja i ima izgled i karakteristike identične izgledu i karakteristikama fiskalne plombe.

Član 7.
(Stupanje na snagu)

Ovaj pravilnik stupa na snagu osmog dana od dana objavljivanja u „Službenom glasniku Brčko distrikta BiH“.

DIREKTOR DIREKCIJE

Mato Lučić, dipl. ecc.

Servisna plomba



A - oznaka ovlaštenog proizvođača/zastupnika

BC - oznaka ovlaštenog servisa

001 - oznaka ovlaštenog servisera

